

Awor bao maneho di un grupo joven y dinamico...

QUA-SI TA "BACK IN TOWN" CU CARANAN JOVEN Y ATRACTIVO...

DEN AMBIENTE

Foto's/texto: Jan Poets.

** E aña aki Qua-Si a conoce un cambio total cu salida di su dos cantante-
nan estelar, Nando Chirino
cu a bay forma parti di
OREO y C-Zar Olarte cu a
ser contrata pa forma parti
di ERA Autentico na
Corsow. Tambe Meiller
Lourens a dicidi pa pasa e
maneho bao encargo di e
joven pareha Gwendolyne
y Alan Goede, mientras cu
nan ta conta cu sosten di
Tessy Alhip den e parti
administrativo y tambe
Meiller Lourens lo keda
yuda den e parti organ-
isatorio.

Qua-Si a ser reforza den
front line pa Tatoo Quandt
y Eugene Albertsz, mien-
tras cu e cantante Luwigi
Toppenberg ex ERA
Autentico, for di aña pasa
ta forma parti di Qua-Si.
Tambe e conocido musico
Xemio Jacobs kende ta
director musical di e popu-

lar agrupacion musical di
Boneiro Magic Sound, lo
reforza Qua-Si durante
henter e temporada di car-
naval.

E front line di Qua-Si ta
forma awor pa:
Chobolobo, Luwigi,
Ingomar, Tatoo y Eugene.
E brass-section ta forma pa
Ucho Batista (2e trompet),
Dennis Zabala (1e
trompet), Andy de Cuba
(trombone), "El Cubano"
Kiri (trombone). E parti di
percusion ta consisti di
Xemio Jacobs, Juameth
Ignacio y Ricky
Winterdaal. Andy Martis ta
riba senthyseizer, mientras
Dennis Werleman ta tras di
piano. Durante e tempora-
da di carnaval David
Goneth lo ta riba bajo,
mientras Dimitry Frans ta
encarga cu e direccion tec-
nico y tambe como "all
round" musico. Tambe
durante temporada di car-




** Aki por aprecia e cara nobo di Qua-Si durante nan presentacion na Havana Beach Club...



** Xemio Jacobs di e popular banda musical Magic Sound di Boneiro, lo reforza Qua-Si den e parti di percusion durante henter e temporada di carnaval...

naval nan ta conta cu e
gran sosten di e maestro
musico Chucho Hoek. Por
a compronde cu durante
henter e temporada di car-
naval, Qua-Si su schedule
ta full ocupa. Tambe nan lo
ta na Corsow diana 11-
12 y 13 di februari proxi-
mo. Dia 11 nan lo realiza e
viahe, dia 12 nan lo ta den
e prome "jouvert morning"
cu lo bay ser realiza na her-
mana isla Corsow, mien-
tras dia 13 nan lo ta den un
jump up den cayanan di
Willemstad.

DEN AMBIENTE ta
desea Qua-Si tur clase di
exito den nan constelacion
"nobs nobs"..



** Dimitry Frans ta encarga cu e direccion tecnico y tambe como "all round" musico



** Riba foto por aprecia e joven dinamico dirigentenan di Qua-Si, Alan, Gwendolyne, Tessy y Meiller Lourens kende ultimo lo keda yuda den e parti organisatorio..